

## **BIOLOGI TINGKATAN 4**

### **TOPIK 5- PEMBAHAGIAN SEL**

#### **MITOSIS**

1. Pembahagian sel melibatkan pembahagian nukleus, diikuti oleh pembahagian sitoplasma.

2 Terdapat dua jenis pembahagian sel:

(a) Mitosis yang menghasilkan sel baru

(b) Meiosis yang menghasilkan garnet

3 Mitosis adalah pembahagian sel untuk menghasilkan dua sel anak, setiap satunya mengandungi bilangan kromosom yang sama dan kandungan genetik yang sama dengan sel induk.


4 Mitosis berlaku dalam sel soma yang diploid ( $2n$ ).

#### **Kepentingan mitosis:**

- (a) Menghasilkan sel baru untuk pertumbuhan, membaiki dan menggantikan sel mati atau sel yang telah rosak
- (b) Memastikan sel baru yang terbentuk adalah seiras secara genetik dengan sel induk
- (c) Mengelakkan bilangan diploid kromosom
- (d) Pada organisme unisel, mitosis adalah salah satu cara pembelahan aseks untuk meningkatkan populasi

#### **KITAR SEL**

1 Kitar sel adalah pertumbuhan dan pembahagian sel melalui suatu siri fasa.



Rajah 5.1 Kitar sel

2. Kitar sel terdiri daripada dua fasa utama:


(I) Interfasa (fasa G<sub>1</sub>, S dan G<sub>2</sub>) (

(II) Fasa mitosis (fasa M)

3. Rajah 5.1 menunjukkan fasa dalam kitar sel.

4. Semasa interfasa, tiada pembahagian sel tetapi sel bersedia untuk pembahagian sel.

5. Sejurus sebelum mitosis dalam Inteffasa, kromosom tidak kelihatan tetapi muncul seperti struktur bebenang yang dipanggil kromatin (Rajah 5.2).



Rajah 5.2 Interfasa pada sel haiwan

6 Peringkat mitosis pada sel haiwan ditunjukkan dalam Jadual 5.1.


**SPM 2007 P2/Sec A/Q3  
SPM 2003 P2/Sec A/Q1**

**Jadual 5.1 Proses mitosis**

<p><b>Profasa</b></p> <ul style="list-style-type: none"> <li>(a) Sentriol bergerak ke kutub yang bertentangan</li> <li>(b) Kromosom menebal dan memendek untuk membentuk dua kromatid yang melekat bersama di sentromer</li> <li>(c) Membran nukleus terurai</li> <li>(d) Nukleolus hilang</li> <li>(e) Gentian gelendong mula terbentuk</li> </ul>	<p>Sentromer Kromosom terdiri daripada dua kromatid Membran nukleus Sentriol</p>
<p><b>Metafasa</b></p> <ul style="list-style-type: none"> <li>(a) Kromosom bergerak ke khatulistiwa sel</li> <li>(b) Kromosom <b>tersusun</b> di sepanjang khatulistiwa sel dengan sentromer melekat pada gentian gelendong</li> <li>(c) Setiap kromatid menghadap satu kutub</li> </ul>	<p>Khatulistiwa sel Gentian gelendong</p>
<p><b>Anafasa</b></p> <ul style="list-style-type: none"> <li>(a) Sentromer membahagi dua</li> <li>(b) <b>Pasangan kromatid</b> bagi setiap kromosom <b>terasing</b> dan <b>bergerak</b> ke kutub sel yang bertentangan</li> <li>(c) Di kutub, kromatid menjadi kromosom</li> </ul>	<p>Pasangan kromatid terasing</p>


### Telofasa

- (a) Terdapat dua set kromosom, satu set di setiap kutub
- (b) Gentian gelendong mula menghilang
- (c) Membran nukleus terbentuk di sekeliling setiap kromosom untuk membentuk **dua nukleus**
- (d) Nukleolus muncul semula dalam setiap nukleus
- (e) **Sitokinesis** berlaku untuk membahagikan sitoplasma kepada dua sel anak




Telofasa

Membran plasma mencerut antara kedua-dua nukleus



Sitokinesis dalam sel haiwan



Sitokinesis dalam sel tumbuhan


7 Dalam sel tumbuhan, sitokinesis bermula dengan pembentukan plat sel di khatulistiwa sel. Plat sel berkembang keluar sehingga bergabung dengan membran plasma dan membahagikan sel kepada dua sel anak.

### Pengawalaturan Kitar Sel

- 1 Kitar sel dikawal oleh gen dalam kromosom.
- 2 Setiap jenis sel mempunyai masa dan kadar pembahagian sel . masing - masing.
- 3 Kebolehan sel untuk membahagi pada kadar dan masa tersendiri dipanggil **mitosis terkawal**. Hal ini menghasilkan pertumbuhan dan perkembangan yang normal.

4 Jika gen yang mengawal atur kitar sel rosak atau termutasi, sel akan membahagi seeara luar kawalan. Ini dipanggil **mitosis tidak terkawal**. Keadaan ini disebabkan oleh sinar ultra ungu dan karsinogen.

5 Rajah 5.3 menunjukkan kesan mitosis tidak terkawal.



Rajah 5.3 Kesan mitosis tidak terkawal


### Aplikasi Pengetahuan Mitosis dalam 'pengklonan'

Pengetahuan tentang mitosis digunakan dalam pengklonan dan pengkulturan tisu untuk: ..

- (a) meningkatkan kuantiti produk ..
- (b) mempertingkatkan kualiti
- (c) menghasilkan spesies baharu
- (d) memastikan keseragaman trait pada tumbuhan dan haiwan

## 2 Kultur tisu

- (a) Kultur tisu adalah teknik penghasilan individu baharu dipanggil klon yang seiras induk dalam **kuantiti yang besar**
- (b) Teknik ini melibatkan pemindahan tisu atau sel daripada satu organisme ke medium kultur yang sesuai, untuk membolehkan mitosis berlaku
- (c) Rajah 5.4 menunjukkan teknik kultur tisu dalam penghasilan orkid di Malaysia




Rajah 5.4 Teknik kultur tisu

## 3 Pengklonan

Haiwan diklon dengan menggantikan nukleus satu sel telur yang tidak disenyawakan dengan nukleus daripada satu sel diploid (Rajah 5.5).

Kebaikan pengklonan

- 1 Sejumlah besar klon terhasil dalam masa yang singkat
- 2 Meningkatkan kadar penghasilan dan kualiti produk
- 3 Memastikan kesinambungan pewarisan ciri
- 4 Boleh dilakukan pada bila-bila masa



Rajah 5.5 Proses pengklonan

### Keburukan pengklonan

- 1 Semua klon mempunyai kerintangan yang sarna terhadap penyakit dan serangga perosak. Jika satu dijangkiti, semua klon akan turut terjejas
- 2 Menghalang pemilihan semula jadi
- 3 Perlu dilakukan dalam persekitaran yang terkawal

## MEIOSIS

- 1 Meiosis adalah pembahagian sel yang berlaku dalam organ pembiakan untuk menghasilkan **garnet yang haploid**.
- 2 Meiosis menghasilkan **empat sel anak** (garnet). Setiap sel anak mengandungi **separuh bilangan kromosom** jika dibandingkan dengan sel induk. Bahan genetik juga berbeza dengan sel induk dan berbeza antara satu sarna lain.

3 Setiap garnet mempunyai satu kromosom daripada setiap pasangan kromosom homolog.

4 Meiosis melibatkan dua pembahagian nukleus:

a) **Meiosis I** (pembahagian meiosis pertama): Bilangan kromosom dikurangkan separuh daripada bilangan kromosom dalam sel induk. **Dua sel anak yang haploid** dihasilkan.

(b) **Meiosis II** (pembahagian meiosis kedua): Sama dengan mitosis. Setiap sel haploid membahagi secara mitosis untuk membentuk **empat sel anak**.

## Kepentingan Meiosis

1 Menghasilkan garnet yang haploid bagi pembiakan seks

2 Membolehkan ciri diwarisi oleh anak

3 Mengelakkan nombor diploid dalam setiap generasi

4 Menghasilkan variasi genetik antara anak


## Peringkat Meiosis

### 1 Interfasa (Rajah 5.6)

(a) Kromosom bereplikasi untuk membentuk pasangan kromatid

(b) Kromosom tidak kelihatan

(c) Sentriol bereplikasi




Rajah 5.6 Interfasa

2 Meiosis I (pemisahankromosom homolog)

(a) **Profasa I** (Rajah 5.7)


- (i) Sentriol bergerak ke " kutub bertentangan
- (ii) Kromosom menebal dan jelas kelihatan serta terdiri daripada dua pasangan kromatid
- (iii) Kromosom homolog berpasangan dalam proses yang dipanggil **sinapsis**
- (iv) **Pindah silang** (Rajah 5.8) berlaku dan terdapat pertukaran bahan genetik di antara dua kromatid bukan pasangan. Terdapat kombinasi baharu bahan genetik yang menyebabkan **variasi**
- (v) Membran nukleus dan nukleolus hilang
- (vi) Gentian gelendong mula terbentuk Kromosom homolog berpasangan semasa mieosis



**Rajah 5.8 Pindah silang**

**(b) Metafasa I (Rajah 5.9)**

- (i) Kromosom homolog yang berpasangan **menyusun** di khatulistiwa sel
- (ii) Satu kromosom bagi setiap pasangan menghadap satu kutub




**Rajah 5.9 Metafasa I**

### Metafasa I

#### (c) Anafasa I (Rajah 5.10)

- (i) Pasangan kromosom homolog **berpisah dan bergerak** ke kutub bertentangan
- (ii) Gentian gelendong mengecut untuk menarik kromosom ke kutub bertentangan



**Rajah 5.10 Anafasa I**


### Anafasa I

#### (d) Telofasa I (Rajah 5.11)

- (i) Setiap kutub mempunyai satu set kromosom
- (ii) Gentian gelendong menghilang
- (iii) Membran nukleus terbentuk semula di sekeliling setiap pasangan kromosom

(iv) Nukleolus muncul semula dalam setiap nukleus

(v) Sitokinesis berlaku untuk membahagikan sel induk kepada dua sel anak yang haploid




Rajah 5.11 Telofasa I

### 3 Meiosis II (pemisahan pasangan kromatid)

#### (a) Profasa II (Rajah 5.12)


(i) Membran nukleus dan nukleolus menghilang



Rajah 5.12 Profasa II

(ii) Gentian gelendong mula terbentuk dalam setiap sel anak


(b) **Metafasall** (Rajah 5.13) Kromosom yang setiap satu dengan dua pasangan kromatid, tersusun di khatulistiwa sel dengan pasangan kromatid menghadap kutub yang bertentangan



**Rajah 5.13 Metafasa II**


(c) **Anafasa II** (Rajah 5.14)

- (i) Sentromer membahagi
- (ii) Pasangan kromatid berpisah dan beugerak ke kutub bertentangan di sepanjang gentian gelendong



**Rajah 5.14 Anafasa II**

#### (d) Telofasa II (Rajah 5.15)



Empat sel anak yang haploid

**Rajah 5.15 Telofasa II**

- |   |  |
|---|--|
| <ul style="list-style-type: none"><li>(i) Setiap sel haploid membentuk dua nukleus</li><li>(ii) Sitokinesis berlaku. Setiap sel haploid membahagi untuk</li></ul> | <ul style="list-style-type: none"><li>membentuk dua sel anak.</li><li>(iii) Sejumlah empat sel anak haploid terbentuk</li><li>(iv) Sel haploid ini menjadi gamet</li></ul> |
|---|--|

Perbandingan antara Meiosis I dengan Meiosis II

*Persamaan*

1 Kedua-duanya terdiri daripada empat peringkat.

2 Kedua-duanya melibatkan pembahagian nukleus dan pembahagian sitoplasma.

### Perbezaan

Jadual 5.2 menunjukkan perbezaan antara meiosis I dengan meiosis II.

**Jadual 5.2** Perbezaan antara meiosis I dengan meiosis II

Meiosis I	Meiosis II
1 Sinapsis berlaku	Tiada sinapsis
2 Pindah silang berlaku	Tiada pindah silang
3 Semasa metafaza I, pasangan kromosom homolog tersusun di khatulistiwa	Semasa metafaza II, setiap kromosom dengan pasangan kromatid tersusun di khatulistiwa
4 Semasa anafaza I, pasangan kromosom homolog berpisah dan bergerak ke kutub bertentangan	Semasa anafaza II, pasangan kromatid berpisah dan bergerak ke kutub yang bertentangan
5 Di akhir meiosis I, <b>dua sel haploid</b> terbentuk	Di akhir meiosis II, <b>empat sel haploid</b> terbentuk

### Perbandingan antara Meiosis dengan Mitosis

SPM 2005 P2/Sec A/Q2

### PERSAMAAN

- 1 Kedua-dua proses adalah pembahagian sel.
- 2 Dalam kedua-dua proses, kromosom bereplikasi sekali sahaja.

### PERBEZAAN

Jadual 5.3 menunjukkan perbezaan antara meiosis dengan mitosis.

**Jadual 5.3 Perbezaan antara meiosis dengan mitosis**

Meiosis	Mitosis
1 Berlaku dalam <b>organ pembiakan</b>	Berlaku dalam <b>sel soma</b>
2 Sel induk <b>membahagi dua kali</b>	Sel induk membahagi sekali sahaja
3 Menghasilkan <b>empat sel anak yang haploid</b> (gamet)	Menghasilkan <b>dua sel anak yang diploid</b>
4 <b>Sinapsis berlaku</b> semasa profasa I	Sinapsis tidak berlaku
5 <b>Pindah silang</b> berlaku semasa profasa I	Pindah silang tidak berlaku
6 Sitokinesis berlaku dua kali	Sitokinesis berlaku sekali
7 Setiap sel anak mempunyai separuh daripada bilangan kromosom sel induk	Setiap sel anak mempunyai bilangan kromosom yang sama dengan sel induk
8 Sel anak tidak sama secara genetik dengan sel induk dan antara satu sama lain	Sel anak sama secara genetik dengan sel induk
9 Replikasi DNA berlaku sebelum meiosis I	Replikasi DNA berlaku sebelum mitosis bermula
10 Menghasilkan gamet untuk pembiakan	Menghasilkan sel baru untuk pertumbuhan dan membaiki tisu badan

### **MENGHARGAI PERGERAKAN KROMOSOM SEMASA MITOSIS DAN MEIOSIS**

1 Pergerakan kromosom semasa mitosis menyebabkan penghasilan sel baru yang seiras dengan sel induk.

**2 Ini** membolehkan pertumbuhan, penyelenggaraan dan pembaikan tisu badan yang rosak berlaku.

**3 Pergerakan kromosom semasa meiosis menyebabkan penghasilan garnet yang haploid untuk pembiakan seks dan menyebabkan variasi genetik. Meiosis juga memastikan **bilangan kromosom dalam setiap generasi dikekalkan.****